

ABRIH AMADLAN N IZRFAN N TUTLAYT

IMZWWURA

Ighsurn d tkarsiwin Ili ur dfarnin tanbadin Ili sgmdnin abrih ad amadlan gh f izrfan n tutlayin Ili munnin gh Barsluna zgh 6 ar 9 n ynyuh n 1996,

Lligh surn gh f Ubrih Amadlan n Izrfan Ufgan n 1948 Ili issfawn gh tdumkalt ns "Tafist ns s izrfan inbdadn n ufgan gh ulallu d watig n ubalid afgan gh tngaddayt gh izrfan gr irgazan d tmgharin". Abrih ad Iliid dagh yusin gh imir ns wis ssin masdd kuyan izmr ad yugz s izrfan ns akw, d wanama aku n tdrfit, min kra n usnuhyu g ufrdis, nghd iny, nghd tazaka, nghd tutlayt, nghd usghan, nghd tamdt tasrtant, nghd kra igan anaw yadn n tnadin, nghd azur n tmazirt, nghd tamtta, nghd ayda, nghd talalit, nghd kraygat anawn n indazn;

Lligh surn gh f urkawal agraghlan n izrfan ighrman d isrtan, n 16 disumbr n 1996 (Imir 27) d urkawal agraghlan n izrfan n tdamsa d tmlti d idls, Ili ittuskarn gh tizi, gin nit s ix f ns Ili ittbrrahn gh tdumkalin nsn masdd afgan ur izmr ad ig ililli igh as ur timskarnt tiwtlin Ili ratt yaddj iddar s izrfan ns ighrman d isrtan d win tdamsa d tmtti d idls;

Lligh surn gh f uttun 47/135, n 18 dicumbr n 1992 n tamunt tamltit n tkarsi n tmltin munnin (abrih n izrfan n ibaldn Ili ganin timdrusin n tamurt ngh titniyin ngh tin usghan, nghd tin tutlayt);

Lligh surn gh f ibrihn d imsasatn n usigr n Urubba lligh iga umsasa n Urubba Ili ikkatn xf izrfan ufgan d tdrfin n 4 Nubumber n 1950 (Imir 14), tatgart n usigur inaghlafn n Urubba, n 29 yunyu n 1992 Ili igan tatgart n Urubba n tutlayin n tsggiwin d tin tmdrusin, tatgart n usigur n Urubba n 9 uctubr n 1993, n tmdrusin, d tatgart tamqrant n tmdrusin gh umadal (nubumbr n 1994);

Lligh surn gh f tatgart n Santiago de Compostela n PEN, d tatgart n 15 disumbr n 1993 n taymunt n tarurt d izrfan n wawal n PEN Club International, Ili ranin ad skrn yat tinnawt tamadlant f izrfan n wawal;

Lligh surn f ubrih n Rasif (Brasil) n 9 uctubr n 1987, tawala tiss XXII n tamsmunt tamadlant n ussbghr d winnaikim gr tussniwin Ili ittrn gh tmltin munnin ad skrn yan ubrih amadlan f izrfan n wawal;

Lligh surn f tatgart tiss 169 n 26 yunyu n 1989, n tmsmayallyt tagraghlant n tuwwuri (OIT) Ili isawaln f imzdaghn imzwwura gh tmizar tidrfatin;

Llighd iwin f ubrih agraghlan n izrfan yuman n imadan (Barsluna, mayu n 1990) Iliid imlan masdd kraygat timlti dars azrf ad tsaltuy tsbghr tutlayt d tawssna ns, ittfur tagharast ns gh ussilm annayilkim, tasrtit... ;

Lligh surn gh f ubrih igguran n ugraw yuman, n tfidiralit tagraghlat n isalmadn n tutlayin Ili illan gh Pécs (Hungria) gh 16 n ghosht n 1991, Iliid imlan mas "gan izrfan n wawal wid ganin izrfan idasiln n ufgan";

Lligh surn f unqqis n taymmunt n izrfan ufgan n usqamu n tdamsa d tmdant n tmltin munnin (20 abril n 1994), f tirra timzwwura n tatgart n izrfan n imadan imrzzwwura, Ili zrranin izrfan ayan gh win tuggt ;

Lligh surn f tirra timzwwura n tatgart Ili tskr taymmunt tamerikanit n izrfan ufgan, d izrfan n imzdaghn imzwwura (igiwr wiss 1278 ass n 18 sibumbr n 1995);

Lligh zran masdd tuggt n iwaliwn gan win imaddan ur ganin inabatn afnin mas gan sin isragh afna n ussbghr n iwaliwn ad, amnad asrtan ur ighwdmn, d tiskki tasrtant d tutalyt tunsib;

Lligh zran masdd taghwwaght, d isursn isrtan d win tdamsa d usbbziz n tutlayin n tiskki illan gh tnbatt ar ittrra f usga tutlayt tamzwwarut, irz azrf n middn gh wad sawaln awal nsn s ghikad

urrin mnnaw iwaliwn f usga tili yat tutlayt gh umras nsn ashku yiws as umnad asrtan n tskki idusn;

Lligh zran masdd amnad amadlan yuman iqqand add yawi f ussgt n walsiwn d ussbghr nsn;

Lligh zran masdd igh rad tili yat tamunt idusn gr walsiwn (tutlayin) iqqand ad ilin imnadn igraghlan lli rayyawz f mayad, afadd ad ilin iwaliwn ad gh tudrt;

Lligh zran masdd mnnaw izakakn ur ganin win tussnils (amzruy, tasrtit, akal, tafgant, tadmsa,...) ar sragn gh mad ittawin s tmltant n iwaliwn ad, nighd urur nsn f usga, ilih s ghikan mnnaw walsiwn, s ghikad iqqand ad tili yat tawit yuman afadd ayyili ufsay i kraygat tamukrist;

Lligh zran masd yan ubrih agraghln f izrfan n wawal isbzziz ikhf ns, afadd ayyili yan ufra usnils, lli rad ig adasil n tdrifit n umadan;

AR TTININ MA RAD YASHK :

TAZWART

Asurs n kraygat tutlayt, igh nzra mayzrin d tyalfnt n usmzray gr tiwwuriwin tisrtanin, tin umzru, tin wakal, tadamsa d tmadant, tawssNa, tusnils,...

Gh tizi yad ingawn ad gn:

- Tamunt n tmltin afadd ad ur yili unhyu, yili ussugt n tawssna d iwaliwn.
- Tagraghlant n tdamsa, d unniyilkm n tawssna, ar snifiln tajdawan d adussi n tamunt n yat trabbut ufgan.
- Ghiklli s ttimghur tdamsa, d ghiklli s tlla tdrfit gh tamzdaqht ghilad, aylli d iffaln inuhywtn d innjarayn gh tdamsa d tmadant d tawssna d tussnils.

Maylli izziwizn ghilad tirubba tussnils igh ur tlla yat tawit d ufrak asrtan s watig n tutlayin n fyibs d tussniwin ur ganin tunsilin mayad rad isrg gh tmmtant n mnnawt tutlayin igh ur ittuskar mayad: tutlayin igh ur ittuskar mayad:

- Yan umnad asrtan yiwin f tawrit s wanawn iwaliwn, lli mmi rad awsn willi tntsawalnin gh uskkir n umnad ad.
- Tagraghlant n tdamsa, d unniyilkm n tawssna, ar snifiln tajdawan d adussi n tamunt n yat trabbut ufgan.
- Yat twwuri tadamsant isurn f tursi n kuyan, tili gis tawit s umras d unyilkm gr tutlayin d tussniwin.

Tatgart ad nghd abrih iskr gh mayad assnti dar middn sawalnin tutlayin ad ur izli s tmltin; tkshn gh usdwas n inaghritn igraghan lli zdarnin ad sfalkin tudrt n imal ufgan, igh tfurn awttas igan tuskka n yan umnad asrtan yiwin f tghdmt gr walsiwn isurn f tajdayin fulkinin, d saha i kuyan.

ASML NAF MZWAR

Tidbbakin yuman

Imir 1

1. Tatgart ad ar ttini masdd kulla tarabbut tusnils tgat yat tmttin izdghn gh kra n wakal yilli dars umzruy, ittussann nghd uhuy; ar tmmal mas tga amadan tissannin tutlayt ns, tgt d tgharast n unyilk m d tutlayt n tawssna, igh nna tutlayt, tzdi d ufgan izrin yan umzruy gh yan umras.

2. Tskr tatgart ad gh uswingm ns adasil win ijrfan n wawal lli igan win yan d win tuggt, tiwid gis f ujrf n yat timtti dar amzruy gh yan wakal, ilint gis twtlin n yat tudrt lli raysbghr tutlayt. twid ula f middn lli llanin gh brra n trabbut ns tussmilst, tfur gis marad yashk gh 5 n imir ad.

3. Ma ghayllid yushkan gh tatgart ad nghd abrih iga win middn llanin gh ikaliwn n tmazirt nsn d win yat trabbut tusnilst:

3.1 Ngaranin d trabbut nsn s iwwtta isrtann

3.2 Llan gh yan umras zgh yan umzruy, ssutln asn middn sawalnin iwaliwn yadni.

3.3 Ad ilin gh ya wakal ngr middn yadni, ilin darsn imzwwura nsn.

4. Abrih ad yiwid ula f middn tmattaynin s ikabarn gh wakal nsn nghd middn ganin tirubba lluzzanin gh wakal nsn.

5. Abrih ad isawl f trubba tusnils, lli dranin ya wawal, ilin gh wakal n yat trabbut yadni tusnils, ur darsn gis imzdagh n imzwwura (immudda, id binbdadn isrtan,...).

Imir 2

1. Yushkad gh ubrih ad masdd tirubba tusnils llanin gh ya wakal, iqand ad tfurn yat tsrtit tghdmn igan tadimucratit

2. Afadd attili tngaddayt ngr walsiwn nghd iwaliwn, attili tmgaddayt gh izrfan ngr trubba tusnils iqqand ad ur nawi ghar mas darsn imzwwura; d aylli ran, iqqand ad awin ula f tiwssi n immudda gh tuskka n trubla tusnils, d twisi nsn tadamsant d tin tawssna.

Imir 3

1. Abrih ad ar immal masdd ghayllid yiwi rad ittuskar gh tizi d tmla nna ran middn:

- Azrf n usissn s tikhft mas tga agnsas gh yat trahbut tusnils
- Azrf gh umsawal s tutlayt gh inna ka.
- Azrf n ustay n ism.
- Azrf gh unnyilk m d ayt trabbrut ns, d ussmilli nsn.
- Gh Azrf gh tawrit d ussbghr n tutlayt d tawssna ns.

D kraygat azrf izdin d tatgart tagraghlant n izrfan imadanin d isrtan (16 Disumbr 1966), d tatgart tagraghlant n izrfan n tdamsa, imadanin durin tawssna gh uzmz ns nit.

2. Abrih ad yiwid f masdd izrfan n trubba tusmils gantn wid iushkanin gh mad izrin d wid llanin gh tdbakt tis snat Imir 2.

- Azerf n kraygat tarabbut gh usslmd s tutlat ns d tawssna ns;
- Azrf kraygat tarabbut gh ingawn n tawssna;
- Azrf n kraygat tarabbut gh usadrar d tansfzrt (T.V.);
- Azrf n kraygat yan gh trabbut tusmilst gh umsawal s tutlayt ns gh tudrt ns.

3. Izrfan middn d tirubba tusnils lli ittubdarn gh mad izrin iqqand ad ur gin afna n izrfan n tmulti, nghd amsawal s tutlayt amr kra un uzakak lli ittrran f usga gh ugnns n wakal ns.

Imir 4

1. Abrih ad yiwid masdd middn lli ttmattaynin gh twwuri nsn, darsn azrf igh zzan f kra n trabbut tusnils addisn kshmn mash ad darsn tghimi tawila n tawssna nsn tamzwarunt, ghas ad myalkamn d trabbut lli ddar llan, amr darsn kra n idrsan gh mnid n twwuri nsn d tudrt n wass nsn.

2. Abrih ad yiwid masdd innakshmn gr middn d tirubba tusnils ur igin tinsn ad yamz abrid n ussiuf n tikhft tamsnawt lli n gisn izlin d ad ur yili usbzziz n tawssna tinttit; amr igh kra n yan s tdrfit ns mayan.

Imir 5

Adasil n ubrih ad issnti gh izrfan n masdd kullu tirubbra tusmils gaddant gnt tdrfatin ur darsnt tazdayt d uzrf d tsrtit n tutlayt nsn mas tga tunsibt, tin tsga nghd tin tmdrusin, igh nnan "tutlayt n tsga" nghd "tin tmdrusin", ur ghid ttubdarnt, ashku igh nbdar tarabbut tusnils hann tiwid nit f mayad mqqard iga umsawal f tutlayin n tsggiwin d tin tmdrusin wad issisfiwn kra n izrfan.

Imir 6

Abrih ad issinf kra n tutlayt iran atg tin kra n tmazirt ashku tga tunsibt, nghd ad yadlli sawaln middn ar sis smillin tudrt nsn gh tzdayt ns d tnbatt, nghd ar sis skarn kra n immussutn idlsann.

ASML AMZWARU

Tidbbakin Yuman

Imir 7

1. Kraygat tutlayt tga tanfalit n yat tmagit, nghd nna ard tmmal yat tillawt s ghikad sghawsnt tutlayin s yat tawit idusn.

2. Kraygat tutlayt tga tidbt, ttuskar s tgharast yuman gr middn lli mmu tga angaw n tamunt, tamagit, d unyilkd d tnfalit.

Imir 8

1. Krayggat tarabbut tusnils dars azrf ad tsnmilli ighbula ns n tudrt, ig wawttas ns ad tnilkm s tutlayt ns gh kraygat tasga gh tudrt tamadant.

2. Kraygat tarabbut tusnils dars azrf addars ilin ingawn n usfttu n tutlayt ns.

Imir 9

Kraygat tarabbut dars azrf ad tskr tirra i wawal ns, ig wad imunn d uhdu ns, d ussbghr ns.

Imir 10

1. Kullu tirubba tussnils ngaddant gh izrfan.
2. Abrih ad yiwid, masdd kraygat anaw n unuhyu ittawin s tmttant n kra n trabbut tussnils ddar tillawt ns d uzurs ns asrtan, d win tdamsa nghd wiyya, nghd assbghr n tutlayt ns; iga mayad mad ur ighdmn, iqqand ad ur yili.
3. Igh niwi f tugaddayt, iqqand ad ttuskar kullu mayttawsn gh mayad

Imir 11

Kraygat tarabbut tusnils iqqand addars ilin ingawn n tarurt afadd ad ittuskar madd yushkan gh ubrih ad.

Imir 12

1. Kraygat afgan dars azrf ad issbghr immussutn, s tutalayt ns iqqand ghas ad tn wakal lligh izdgh.
2. Kraygat afgan dars azrf ad ittnnyilkm s tutlayt ns d middn d ayt tawja ns.

Imir 13

1. Kraygat afgan dars azrf ad ilmd tutlayt n middn lli dda iddr.
2. Kraygat afgan dars azf ad issn mnnaw walsiwn ar ittnnyilkim s wawal nna ira, ma ghas illa saha gh tudrt ns.

Imir 14

Ayllid yiwi ubrih ad ur rayg afna n kra n trabbut, ugnns nghd tagraghlant; yiri ayg wad ittawsn gh uflujju n iwaliwn

ASML WIS SIN

Anmilli usnils yuman

Tasmyallayt tamadant d tmagrwrin tunsilin

Agzzum I. Tasmyallayt tamadant d tmagrwrin tunsilin

Imir 15

1. Kraygat tarabbut tusnils dars azrf ad tskr gh tutlayt ns tunsibt gh wakal lligh illa, izdgh gis.

2. Kraygat tarabbut tusnils dars azrf attskar arratn izrfan, d win tsmgallayt d ikaramn, d kullu arratn ittuskarn gh wakal lliggh izdgh s wawal ns ad gin unsibn d ad ur ig yan afna nsn igh ur issn tutlayt.

Imir 16

Kraygat afgan gh yat trabbut tusnils dars azrf ad ittnyilk m s tutlayt ns d wiyyad, d tsmyllatin tunsilin, d kullu maddar tazdayt d wakal nna gh tlla tutlayt ad.

Imir 17

1. Kraygat tarabbut tusnils dars azrf ad ttamz tatgarin dar tsmyllayin s tutlayt ns, ganin tid tnyaranin nghd tiyyad.

2. Kraygat amdya n warratn, tnyaranin gh iggi n tiffrt nghd kra yadmi, iqqand ad tnyaran s tutlayin n tmizar lliggh rad tili tittit ns.

Imir 18

1. Kraygat tarabbut tusnils dars azrf ad tnyirint tmagradin tizrfanin s tutlayt ns.

2. Tamazirt nnagh llan mnnaw walsiwn, iqqand ad ttara imagradn izrfann s tutlayin ad nqqar ur ssnn wiyyad tutlayin ad

Imir 19

1. Igrawn n imzzatn iqqand ad skrn gh iwaliwn llanin gh ikaliwn lli f llan iwaliwn unsibn.

2. Azrf ad izli ula s middn sawalnin tutlayin yadni lli ittubdarn gh imir 1, Agzzum 4

Imir 20

1. Kraygat afgan dars azrf ad isawl nghd yura, gh tin tnbatt, s tutlayt ns. Tin tnbatin iqqand ad skarnt amsawal s tutlayin n ikaliwn lliggh llant, mqqar tra tnbatt ad tili gh brra n wakal ns.

2. Gh kullu isursn, kraygat afgan dars azrf ad izri gh tin tnbatt s tutlayt ns lli s rannylkm nghd adas skrn tarurt amr ifra.

Imir 21

Kraygat tarabbut tusnils dars azrf ad tskr mas rad ilint tirra gh idlisen inamurn s tutlayin n ikaliwn lliggh llan.

Imir 22

Kraygat tarabbut tusnils dars azrf ad illin warratn unsibn skrn imasayn unsibn, ad tnyaran s tutlayt nsn.

Agzzum II. Asslmd

Imir 23

1. Asslmd iqqand ayyaws gh tanfalit tussnils, d tawssna n trabbut tussnils gh tmazirt gh ra yyili.
2. Asslmd iqqand ayyaws gh usattuy d ussbghr n tutlayin lli sawaln ayt trabbut tussnils lli ddar illa.
3. Asslmd iqqand ad ig wad ittawsn gh ussbghr n walsiwn, d tussniwin; d usduwas n tzdayin gr trubba tussnils gh umadal.
4. Tsti gh mad izrin masdd kuyan dars azrf ad ilmd awal lli ira.

Imir 24

Kraygat tarabbut tussnils dars azrf ad tsrs tutlayt ns gh uswir lli tzrra is as iga, gh kullu tifrkiwin n usslmd gh iggi wakal ns: naf amzwaru, amzwaru, amjahdi, d atiknik, d wad yattyn d ussilgh n imqgran.

Imir 25

Kraygat tarabbut tussnils dars azrf addars ilin ighbula n tfgant d ingawn lli rayyaws gh ussbghr n wawal ns gh kullu izwirn n usslmd gh iggi wakal ns: assilgh n isalmadn tigharasin usslmd, tadrint, amras, ingawn, izqykutan d itraran.

Imir 26

Kraygat tarabbut tussnils dars azrf gh yan usslmd ard lkmn ayt dars azwir yattuyn gh tghri afadd assis ttnnyilkimn gh kraygat ammussu d ad tissan kraygat tutlayt yadni nna ran.

Imir 27

Kraygat tarabbut tussnils dars azrf gh yan usslmd lli rayyaws i ayt dars ad issnn tutlayin timzzatin lli myarnin imzwwura nsn, zdit d tmyurin nsn (tutlayin n tskwula).

Imir 28

Kraygat tarabbut tussnils dars azrf gh yan usslmd lli rayyaws i ayt dars ad darsn tili yat tussna idran s tayisi nsn tamusnawt (amzruy, taskula,...), d usissn s kraygat tawssna yadni nna ran ad issnn.

Imir 29

1. Kullu afgan dars azrf gh usslmd s tutlayt ns, tin wakal lligh izdgh.
2. Azrf ur igi afna n usslmd n kra n tutlayt yadni lli s ragh ittnnilkim d trubba tussnils lli ira.

Imir 30

Tutlayt d tawssna n kullu trabbut tussnils iqqand ad gint ifrdisn n usiggl gh tsidawt.

Agzzum III. Ismaun

Imir 31

Kullu tarabbut tussnils dars azrf gh kullu iswirn n tudrt, ad tnyilkim s tdrfit s tmyurin ns

Imir 32

1. Kullu tarabbut tussnils dars azrf s tirra nghd awal gh iswira unsibn nghd imadann, n ismawn ikaliwn ns.

2. Kullu tarabbut tussnils dars azrf a ntg, nighd a tks, nighd a tsbadl ismawn ikaliwn ns; ur illi uzrf dar yan ast ikks, nghd isnifl wkha illa aynna hlli llan gh tmazirt.

Imir 33

Kullu tarabbut tussnils dars azrf ad tmmala ikhf ns zgh tutlayt ns s ghikad kullu tarurt iqqand ad tssanf azgaln d wallatn.

Imir 34

Kullu afgan dars azrf gh tirra s tutlayt ns, d uzrf gh tirra s uskkil lli rad ur isnifl ammak ns.

Agzzum IV. Asadrar d T.V.

Imir 35

Kullu tarabbut tussnils dars azrf gh taghamt ns gh usadrar d T.V. gh wakal ns, wid ganin inttin nghd wid llanin gh usurir yattuyn lli ilkkamn tamyaggugt.

Imir 36

Kullu tarabbut tussnils dars azrf addars ilin ingawn (tafgant, imassn, sslkamnin tutlayt nsn i yan uswir yattuyn (asadrar d T.V.) d imassn llanin gh yan usurir yattuyn atiknik.

Imir 37

Kullu tarabbut tussnils ad lkkmn inghmisn gh usadrar d T.V. s wawal nsn, ula tawssna d tayisi (amzruy, tussnakal, taskula,...) d kra n tawssna yadni nna ran astt issann.

Imir 38

Tutlayin d tussniwin n kullu tarabbut tussnils iqqand ad darsnt tili tawit iggutn urd tad igan afna (asadrar d T.V. tigraghlanin)

Imir 39

Tirubba tubdarnin gh imir 1 (Agzzum 3 d 4) gh ubrih ad, d wid tubdrnin gh ugzzum 5 n imir an nit darsn azrf gh usadrar d T.V. s tutlayt nsn gh iggi wakal nsn, askkir n mayad ad ur ig afna n trubba yadni gh iggi n wakal an nit.

Imir 40

Kullu tarabbut tussnils dars azrf gh imassn imaynutn n usissn gh tlla tutlayt nsn afadd addarsn yili saha i tutlayin nsn gh mad akkan imassn ad d tyafut, gh tanfalit, assgmi, annyilkim, aghmis, tarurt, asissn s tawssna s yan umnad yuman.

Agzzum V. Tawssna

Imir 41

1. Kullu tarabbut tussnils dars azrf ad tnyilkim s tutlayt ns d uhdu ns, d ussbghr ns gh kullu iswirn n tawssna.

2. Azrf ad ittuskar amr illa unnuksm n kra n tawssna igan tamzzat.

Imir 42

Kullu tarabbut tussnils dars azrf gh ussbghr s tawssna ns.

Imir 43

Kullu tarabbut tussnils dars azrf gh ighbula n tawssna ganin idlisen tyyaranin s wawal ns.

Imir 44

Kullu tarabbut tussnils dars azrf gh iwaliwn n immussutn gr tussniwin, ad sslkmn inghmisn, awsn gh immussutn n usslmd n tutlayt n imzzatn, d tarurt, d tirra gh isura.

Imir 45

Kullu tarabbut tussnils dars azrf ad tbzziz ad takshmn tutlayt ns gh ismmaln d immussutn idlsann (tikafutin, amzgun, tussna... d kullu mayzdin d tudrt tamussnawt).

Imir 46

Kullu tarabbut tussnils dars azrf ad thdu tayisi ns tamusnawt, gh gan idlisen, d anawn n tzwri, tagharast n tuskka n tgwmma, d iskkiln n tirra n wawal nsn.

Agzzum VI. Abaraz n tdamsa

Imir 47

1. Kullu tarabbut tussnils dars azrf gh unyilkim s tutlayt ns gh mad izdin d immussutn zlinin s tdamsa d tmadant gh iggi wakal ns.

2. Kullu afyan illan gh yat trabbut tussniils dars azrf gh ad ilin gh tutlayt kullu ingawn ttawsnin gh usfttu n twwuri ns gh gan ikarann, idlisen tigharasin n twwuri d ingawn ganin wi imassn imaynutn n unyilkim.

3. Tawwuri s tutlayin yadni ad ur tg bzziz amr igh illa kra n usrag ighurdan; ur izdar yan ad isbzziz kra n tutlayt yadni nghd issunf tutlayt igan ti wakal an.

Imir 48

1. Kullu afgan gh wakal n trabbut tussniils dars azrf ad ttunykilm s wawal ns, yili dars uzrf yuman gh mayan gh kullu tisggiw n tdawsa d kullu arraw n tmmstaght (timzznza timssgha), imagradn d tatgarin n tsmyllitin tunsibin (tadrint, ahdu n tikhft, arratn n twwuri).

2. Ur illi ma rad ig afna n unnyilkim s tutlayt n yan gh iggi n wakal ns llighd inkr, izdgh gis.

3. Gh wakal lligh illa ufgan ig win trabbut ns tussniils dars gis azrf ad dars ilin ikaramn, d tatgarin d warratn n unyilkim gh ubaraz n twwuri (tadrint, tatgart n tmsght,..) s tutlayt ns.

Imir 49

Kullu afgan gh trabbut ns tussniils dars azrf ad ittunykilm s tutlayt ns gh tmagrawin n tdamsa, timsmunin, timagrawin tunsibin).

Imir 50

1. Kullu tirubba tussniils darsnt azrf ad tili tutlayt nsn gh usissn win tmzdaght, s umnad yuman gh mad yakkan udn n tamurt.

2. Iqqand ayyili saha dar kullu afgan gh trabbut ns tussniils gh unghmis ismdn s tutlayt ns iga urin fyils nghd win tirra f kullu tighawsiwin n tmzdaght mayad add immal kullu mazdin d tghawaswin an (assissn, atig,...)

3. Kullu tiffitin zdinin d uhdu n tikhft, llanin gh igharasn ad ilint s tutlayt n trabbut tussniils lli mmi llant gh wakal ns.

Imir 51

1. Kullu afgan dars azrf ad ittunykilm s wawal ns gh wakal ns gh tzdayin ns d umras n twwuri, igadazn, timagrawin, d addars yili urur s tutlayt ns.

2. Kullu afgan dars azrf igh iga amssagh ad issfld i inghmisn f tghawsiwin s tutlayt ns, gh wakal lligh illa.

Imir 52

Kullu afgan dars azrf ad iskr immussutn ns s tutlayt n wakal lligh illa, amr igh rad ig mayan afna n unnyilkim, zund igh llan isalmdn n tutlayin d id bu tarurt,...

TIDDBAKIN TIMSMADIN

Tamzwarut

Timagrawin tin tinbadin iqqand ad awznt afadd ad ittuskar mayllid yushkan gh ubrih ad, d attwatts twizi tagraghlant izrfan gh wawal n tmltin timdrusin ddar ur llan ingawn d tdrint, zdarnt timagrawin tin tinbadin ad awsnt gh, tirra, asslmd n tutlayin ad, d ummyilkm sisnt gh tsmyalatin.

Tiss snat:

Timagrawin tin tinbadin, ad awwznt afadd ad skrnt tnbadin, d tnagrawin d middn ddar tawit s mayad mad assnd isslkamn amnak n madd yushkan gh ubrih ad.

Tiss kratt:

Timagrawin tin tinbadin, ad awznt f uskkir n uzrf n kullu maygan ufna n izrfan llid ushkanin gh ubrih ad.

TIDDBAKIN TIMGGURA

Tamzwarut:

Abrih ad ar ittini masd iqqan ad ittuskar yan usigur n tutlayin gh gr igiwal n tmltin munnin, ashku nttat asd iqqan ad tawz f mayad tskr as middn nna raggis iswwuri, tskr ula yan umagraw amadlan lli rayyawz f ussbghr n trubba tussnils ttfuru mad yuskan gh ubrih ad.

Tiss snat:

Abrih ad ard immal mas ikhssa ad ttuskar yat taymmunt tagraghlant n izrfan n tutlayin ur ganin tunsibin lligh rad gin ignsasn n tmagrawin tin tinbadin, d kullu maddar tawrit s izrfan n tutlayin.

Barluna, yunyu n 1996